



Ishonch

Юрт тараққиёти йўлида бирлашайлик!

2022 йил
16 август
сешанба
№ 99 (4695)

Ўзбекистон касаба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz



Кун нафаси

15 август куни Ўзбекистон Республикаси Президенти Шавкат Мирзиёевнинг Туркия Республикаси Президенти Режеп Таййип Эрдоган билан телефон орқали мулоқоти бўлиб ўтди.

Ўзбекистон Республикаси Президенти Шавкат Мирзиёев Икки муқаддас масжид ходими – Саудия Арабистони Подшоҳи Салмон бин Абдулазиз Ол Сауднинг таклифига биноан 17-18 август кунлари давлат ташрифи билан ушбу мамлакатда бўлади.

Пойтахтимиздаги «Lumiere Hotel & Spa» меҳмонхонасида Ўзбекистон Савдо-саноат палатаси томонидан туризм ва меҳмондўстлик соҳаларида фаолият олиб бораётган тадбиркорлик субъектларининг муаммоларини ўрганиш ва уларнинг ечимлари бўйича аниқ механизмлар ишлаб чиқиш мақсадида соҳа мутахассислари билан давра суҳбати ўтказилди.

Термиз шаҳридаги Амурдор болалар соғломлаштириш оромгоҳида камондан отиш спорт тури бўйича ҳаваскор ёшлар ўртасида Миллий гвардия Қўриқлаш бошқармаси бошлиғи кубоги мусобақасининг Сурхондарё вилояти босқичи ташкил этилди.

Жиззах вилояти Фориш туманида «АрМИ – 2022» мусобақаларига старт берилди. 34 та йўналишни қамраб олган мусобақаларда 37 та давлатдан 257 та жамоа ўзаро беллашмоқда. Ўзбекистон Мудофаа вазирлиги вакиллари «АрМИ – 2022» VIII Халқаро армия ўйинларининг 20 та йўналишида иштирок этмоқда.

Туркменистонда денгизга чиқиш имконига эга бўлмаган ривожланиётган мамлакатлар транспорт вазирлари даражасида «Ашхобод жараёни: ўзаро боғлиқликни яхшилаш учун молиялаштириш» мавзусида халқаро конференция бўлиб ўтди. Туркменистон томонидан БМТ билан ҳамкорликда ташкил этилган мазкур конференцияда Ўзбекистондан транспорт вазири Илҳом Маҳмамов бошчилигидаги делегация қатнашди.

Бош прокуратура Академияси магистратурасини тамомлаган магистрларга ҳамда раҳбарлик лавозимларини эгаллаш учун захирада турган кадрларнинг касбий қайта тайёрлаш курси битирувчиларига дипломлар топширилди.

Дунё аҳолиси расман 8 миллиард кишига етди. Бундай маълумотлар 14 август куни сайёра аҳолисининг виртуал ҳисоблагичини ўз ичига олган Countrymetrics.info порталида қайд этилган.

Интернет хабарлари асосида тайёрланди



Халқаро ҳамкорлик

ТОШКЕНТ ВИЛОЯТИ ДЕЛЕГАЦИЯСИ ТОЖИКИСТОНДА

Ўзбекистон касаба уюшмалари Федерациясининг Тошкент вилояти кенгаши раиси Мўроджон Носиров бошчилигидаги делегация Тожикистонда бўлди.

Ташриф доирасида Ўзбекистон касаба уюшмалари Федерацияси Тошкент вилояти кенгаши ва Тожикистон мустақил касаба уюшмалари Федерацияси Сўғд вилояти кенгаши ўртасида 2022-2026 йиллар учун йўл харитаси имзоланди. Ундан ҳар икки томон иш фаолиятидаги тажриба, тармоқлар, бошланғич ташкилотлардаги иш жараёнлари, меҳнат муҳофазаси, касаба уюшмаси аъзоларининг ҳақ-хуқуқларини ҳимоя қилишдан тортиб, ички туризм имкониятлари билан танишиш тўғрисидаги бандлар ўрин олган.

Бу жараёнда мезбонларга



мамлакатимиз, хусусан, вилоят касаба уюшмалари тизимида олиб борилаётган ишларнинг асосий йўналишлари ҳақида атрофлича маълумот берилиб, Тожикистон мустақил касаба уюшмалари Федерацияси Сўғд вилояти кенгаши делегацияси Тошкент вилоятига тақлиф этилди.

Шундан сўнг Президентимиз Шавкат Мирзиёев ташаб-

буси билан Тожикистоннинг Сўғд вилояти Спитамен туманида қурилган 33-мактабга борилиб, ўқувчилар учун 75 номдаги 300 тадан зиёд китоблар совға қилинди.

Шоира ОХУНЖОНОВА, Ўзбекистон касаба уюшмалари Федерацияси Тошкент вилояти кенгаши раисининг Ёшлар масалалари бўйича маслаҳатчиси



Андижон вилояти

Долзарб мавзу

Хар дастурда шу бўлар такрор, аммо...

Избосканча ваъдабозлик қачонгача давом этади?



Избоскан туманидаги Янгиқишлоқ аҳли йигирма беш йилдирки, тоза ичимлик сувга зор. Одамларнинг шу масалада бормаган идораси, мурожаат йўлламаган мутасаддиси қолмади, ҳисоб. Маҳаллани сув билан таъминлаш ҳар гал йиллик дастурга киритилса-да, натижа йўқ.

Хатто, 2020 йилдаги йўл харитасида «ҳар бир маҳалла фуқаролар йиғинидаги мавжуд қўчалар юз фоиз тоза ичимлик сув билан таъминланиши кафолатланади», деб ёзиб қўйилган ҳам. Аммо бу ваъдалар ҳам ёлгон бўлиб чиқди.

Туман, вилоят ҳокимликлари қилинган мурожаатлар самара бермагач, аҳоли 2021 йили Олий Мажлис Сенати раисига шикоят хати юборди. Аммо андижонлик мутасаддилар унга жавобни ҳам сохта имзолари ёлгон гаплар билан аравани қуруқ олиб қочишдек қилиб, эплашди.

– Қўлимизда Сенатнинг халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитаси раиси Р.Алимовга Избоскан тумани «Сувоқова таъминоти» МЧЖ раҳбари У.Мама-тожиев томонидан юборилган жавоб хати ва далолатнома бор, – дейди М.Йўлчиева. – Унга сохта имзо қўйилган. Босилган муҳр ҳам ишончсиз. Далолатномадаги «Фуқаро М.Йўлчиева билан тузилган далолатнома илова қилинади» деб ёзилган сатрлар ҳам гирт ёлгон.

Чунки мен далолатнома тузиш жараёнида умуман иштирок этмаганман. Ишчи гуруҳ билан ҳам учрашмаганман. Далолатноманинг қуйи қисмида «Сувоқова» туман бўлими бошлиғи У.Мама-тожиевнинг ва масъул ходим Ж.Солиев ҳамда «Ифтихор» МФЙ раиси Д.Ҳасановнинг исм-фамилиялари ёзилиб, имзоси қўйилган. Д.Ҳасановнинг имзоси сохталаштирилган. Чунки Д.Ҳасанов бундан икки йил аввал МФЙ раислигидан ўз хоҳишига биноан бўшаб кетган. Мана сизга республикаимизнинг энг юқори ҳукумат аъзолари сўровига жавобнинг избосканча усули.

Ҳўш, ҳурматли мутасаддилар «Ифтихор» МФЙнинг тоза ичимлик сув орсусида кун санаётган уч мингдан ортиқ аҳолиси яна кимга додини айтсин? Шу йигирма беш йил ичида қанчадан қанча ҳудудлар обод бўлди. Наҳотки биргина қишлоқни тоза ичимлик сув билан таъминлаш шунчалик қийин бўлса?

Йўлдош ИСОҚЖОНОВ



Наманган вилояти

Касаба уюшма аралашгач...



Авазбек Ҳожиёв Наманган шаҳар «Баркамол авлод» маҳалла фуқаролар йиғинида 2018 йилдан буён ишлаб келаётган эди. 2020 йилнинг 1 июлида штатлар сони қисқариши важи билан иш берувчининг ташаббусига кўра, у билан тузилган меҳнат шартномаси бекор қилинди.

– Ўша кезларда соғлиғим ёмонлашгани боис тиббий муолажа олаётган эдим, – дейди Авазбек Ҳожиёв. – Меҳнат кодексининг 100-моддаси 2-қисми 1-бандига асосан ишдан бўшатиладигани эшитиб, аҳолим янада ёмонлашди.

А.Ҳожиёвнинг Ўзбекистон касаба уюшмалари Федерацияси Наманган вилояти кенгашига қилган мурожаатини меҳнат ҳуқуқ инспектори

Баҳром Раҳимбердиев синчиқлаб ўрганди ва ходим қонунга зид равишда бўшатиладигани ойдинлашди.

Хусусан, иш берувчи 2022 йил 29 декабрда ходимга огоҳлантириш хати берган, аммо огоҳлантириш муддатига амал қилмасдан у билан тузилган меҳнат шартномасини шу заҳоти бекор қилган. Бу ҳам етмагандай, ходимнинг иш ҳақини тўламаган, ишдан бўшатиш нафақасини ҳам беришдан бош тортган. Шунингдек, Меҳнат кодексининг 151-моддасига биноан фойдаланилмаган таътиллار учун пуллик компенсация бермаган.

Суд адолатли қарор чиқарди: А.Ҳожиёвнинг барча ҳақ-хуқуқлари тикланиб, иш берувчидан унинг фойдасига моддий зарар ундириб берилди.

Орзуғул РУСТАМОВА
«ISHONCH»


Бир сўз билан айтганда...

Мана бир мисол: Бир сўз билан айтганда, ушбу вазифалар боланинг таълимдаги ilk қадамида бош-лаб, касб танлаш, ҳаётга мустақил қadam қўйишгача бўлган даврда узвийликни таъминлашга қаратилган, десак тўғри бўлади.

Эътибор қилинг, «бир сўз билан» дея

Бу ибора тилимизга сингиб кетган. Айниқса, фикрни ифодалаш, гапни боғлаш мақсадида матнда жуда кўп ишлатилади. Матбуот, телевидениега назар солиб кўрсангиз... Яхшиси, «Google» ёки «Yandex»га кириб, шу иборани «қидирув»га бериб кўринг-а... Қанча «топилар» экан?

Дилором ХУДОЙБЕРГАНОВА



Тилга эътибор



Тадбир



Бухоро вилояти

Фаолиятга назар

Маданият, спорт ва туризм ходимлари касаба уюшмасы Бухоро вилояти бирлашган қўмитаси таркибидеги 74 та ташкилотда 5292 нафар аъзо фаолият юритади. Соҳа ходимларини ижтимоий-иқтисодий ҳимоя қилиш борасида тизимли ишлар амалга оширилаётгани самарадорликни оширишда яна қўл келмокда.

ИШЧИ-ХОДИМЛАР МАНФААТИ ҲАМИША ЭЪТИБОРДА

Ўтган даврда ижтимоий мулоқот ва ижтимоий шериклики ривожлантириш, мазкур йўналишда мутасадди давлат ва нодавлат ташкилотлар билан ҳамкорликни янада кенгайтириш, касаба уюшмаларининг ваколатлари доирасида жамоатчилик назоратини ташкил этиш ишларига алоҳида эътибор берилди. Иш ҳақларининг ўз вақтида тўланиши назоратга олинган бўлиб, тизимдаги бошланғич касаба уюшма ташкилотларида ходимларга муносиб иш ҳақи тўланиши, иш берувчилар томонидан иш ҳақининг кафолатланган энг кам миқдорига очишмай риюя қилиниши устидан мониторинг ишлари олиб борилаетир.

Маънавиятни юксалтириш, аҳоли саломатилигини асраш ва мустаҳкамлаш соҳасидаги ислохотларни янги босқичга

Тадбирда Федерациянинг Бухоро вилояти кенгаши раиси Муҳаммадқосим Олимов мазкур тармоқ фаолияти борасидаги ўз кузатиш, таҳлил, хулосалари борасидаги фикр-мулоҳазалари билан ўртоқлашди. Бошланғич ташкилотлар раислари ҳамда иш берувчиларнинг уюшма фаолияти самарадорлигини ошириш бўйича фикр-мулоҳазалари тингланди.

Очиқ мулоқотда қўмита раиси Диловар Темированинг намунали меҳнатлари эътироф этилиб, унга сертификат ва пул мукофоти топширилди. Бундан ташқари, қўйи бўғиннинг йигирма нафар фаолига ташаккурнома ва қимматбаҳо совғалар тақдим этилди.

Зарнигор САМДЖОНОВА,
Маданият, спорт ва туризм ходимлари касаба уюшмасы Бухоро вилояти бирлашган қўмитаси бош мутахассиси



Тошкент вилояти

Бекобод шаҳридаги «Ўзметкомбинат» акциядорлик жамиятида «Раҳбар ва ёшлар учрашуви» деб номланган тадбир ташкил этилди.

Ўзбекистон касаба уюшмалари Федерацияси ташаббуси билан ташкил этилган тадбирда Металлургия ва машинасозлик саноати тармоқлари ходимлари касаба уюшмасы Республика кенгаши раиси Аҳмадхон Ҳаққулов, Ўзбекистон касаба уюшмалари Федерацияси Тошкент вилояти кенгаши раиси Муроджон Носиров ҳамда «Ўзметкомбинат» АЖ бошқарув раиси – бош директор Рашид Пирматовлар иштирок этишди.

Учрашувда мамлакатимизда амалга оширилаётган ислохотлар, қўлга киритилаётган ютуқлар ва бунда ёшларнинг ўрни ва аҳамияти ҳақидаги фикрлар билдирилди. Ёшларнинг таълим ва муаммолари тингланди. Раҳбарлар томонидан уларнинг ечими бўйича муддатлар белгиланиб, айрим муножаатлар жойида ижрога йўналтирилди. Қувонарлиси, комбинат бошқарув раиси

ЁШЛАР БИЛАН ДИЛДАН СУҲБАТ



ёшларнинг ишлаб чиқаришдан ажралмаган ҳолда таълим олишлари учун барча шароитларни яратиб беришини айтиб, беш нафар ишчи ходимлар олий таълимнинг магистратура босқичида ўқитилишини айтиб ўтди.

– Бугун ййғилишга эмас, сизлар билан дилдан суҳбатлашгани келди, – деди Ўзбекистон касаба уюшмалари Федерациясининг Тошкент вилояти кен-

гаши раиси Муроджон Носиров. – Қўриб турибмизки, кўзларингиз ёниб турибди.

Тадбирда «Ўзметкомбинат» АЖ бошқарув раисининг ёшлар сиёсати масалалари бўйича маслаҳатчиси Абдуғаффор Мирзаев комбинатда 2022 йилнинг биринчи ярим йиллигида ёшларга оид давлат сиёсатининг амалга оширилиши юзасидан маълумот берди.

Тадбир якунида Россия Федерациясининг Владивосток шаҳрида ўтказилган «7-Осиё болалари» спорт ўйинларида 58 кг. вазнда спортнинг самбо тури бўйича 1-ўринни эгаллаган Ислон Абдузокиров ҳамда Болгариянинг София шаҳрида таэквондо ВТ бўйича ўсмирлар ўртасида ўтказилган жаҳон чемпионатида 52 кг. вазн тоифасида 2-ўринни қўлга киритган Маржона Худойкулова комбинат касаба уюшма қўмитаси томонидан ташаккурнома ва қимматбаҳо эсдалик совғалари билан тақдирланди.

Шоира ОХУНЖОНОВА

Учрашув



Сирдарё вилояти

Янги Ўзбекистонда эл азиз, инсон азиз

ОРЗУЛАР УШАЛГАН КУН

Боёвут тумани «Учтўртгон» маҳалласида янги қурилган тўртта 4 қаватли уй муҳтож оила вакиллари топширилди. Ушбу уйлар учун қатор имтиёзлар бор. Биринчидан, арзон, иккинчидан, тўловни ўзоқ йиллар давомида имтиёзли равишда тўлаш имконияти мавжуд. Бу имконияти чекланган, ижтимоий ҳимояга муҳтож оила вакиллари учун жуда катта кўмак.

Шаҳноза Ражабова ҳам шу вақтгача саломатлигини тиклаш, уй-жойга эга бўлиб, оиласи билан тинч-тову ҳаёт кечиришни ният қилиб юрарди. У яхшилар кўмаги ва волидасининг жонфидолиги билан буйрак кўчириш жарроҳлик амалиётини ўтказди. Бошланғич тўлови тўланган янги хонадоннинг калити тутқазилганида, у қувончдан ййғлаб юборди.

– Орзуларимнинг ушалишини тасаввур қилолмасдим, – дейди Шаҳноза Ражабова. – Ҳаётим янгидан бошлангандек, ҳаммаси чиройли. Давлатимиз ғамхўрлигини ҳис қилиш қувончи ўзгача экан. Яхши инсонларга, маъсулларга мингдан-миг раҳмат.

Гулноза Мамарасулова болаликдан иккинчи гуруҳ ногирони. Шунга қарамай, спортнинг армрестлинг тури билан жиддий шугулланиб, 10 карра Осиё чемпиони ва жаҳон чемпионати иштирокчиси бўлган. Янги қурилган тураржойнинг икки хонали хонадонини унга nasib этди.

– Болаликдан соғлиғимда жиддий муаммо бор. Лекин доимо орзу-



ларимга эришиш учун имтиёз, ғамхўрлик бўлган. Ўқишга кирдим, ишга жойлашдим. Мана энди янги уйли ҳам бўлдим. Хонадоним мен ишлаётган 1-сонли спорт мактабининг ёнгинасида жойлашган. Энди ўзим каби имконияти чекланган ёшларга спортдан сабоқ беришда қийинчилик бўлмайди.

Туманнинг «Соҳил» маҳалласида фойдаланилмай турган бино янги қиёфага келти-



рилди. Уй-жойга муҳтож, кам таъминланган оилаларни хонадон билан таъминлаш мақсадида бинони замонавий кўп қаватли уйлардан қолишмайдиغان «Ижтимоий уй»га айлантириш учун 4,6 миллиард сўм маблағ йўналтирилди. Натижада 27 та 1 хонали, 53 та 2 хонали, жами 80 та квартирага эга «Ижтимоий уй»лар фойдаланишга топширилди.

Феруза Йўлдошева икки нафар фарзанди билан фойдаланиш муддати тугаган уйда яшаб келаётган эди. Унга «Ижтимоий уй»дан хонадон берилди.

– Янги уй фарзандларимга жуда ёқди, – дейди Ферузахон. – Домим уйим бўлса, чиройли жиҳозлари бўлса, меҳмон кутсам, саранжом-саришта тутсам деб ният қилардим. Мустақиллик байрамимиз арафасида бу орзуим ушалди. Байрамни зўр кайфиятда нишонлайдиган бўлдим.

Озода МАМАДАЛИЕВА
«ISHONCH»



Фарғона вилояти

Ташаббус

Бўзатовлик хотин-қизлар «Чимён»да

Қорақалпоғистондан келган 100 нафар хотин-қиз Фарғона вилоятининг сўлим «Чимён» пансионатида ҳордиқ чиқариш билан бирга саломатликларини мустаҳкамламокда.

Сихатгоҳда тиббий муолажалар қабул қилиш, мароқли ҳордиқ чиқариш учун барча шароитлар яратилган. Шунингдек, маънавий-маърифий тадбирлар, вилоятнинг диққатга сазовор жойларига саёҳатлар уюштирилмокда. Жумладан, улар «Ҳожаназар Ғойибназар ўғли Хувайдо Чимёний» зиёратгоҳида бўлишди. Меҳмонларга Хувайдо ҳаёти ва ижоди ҳақида кенг маълумотлар берилди.

– Бундай саёҳатлар Фарғона ҳақидаги тасаввурларимизни янада кенгайтирмокда, – дейди Қалбике Узоқбергернова.

Бўзатовлик хотин-қизларни олдинда бир-биридан ажойиб саёҳатлар кутиб турибди.

Жамшид ЭРГАШЕВ
«ISHONCH»



Учрашув

